



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

Broj:  
Sarajevo, \_\_. \_\_. 2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na \_\_. sjednici održanoj \_\_. \_\_. 2022. godine, primilo je k znanju

Informaciju o realizaciji pomoći građanima čija je imovina uništena ili oštećena u poplavama iz novembra 2021. godine

**PREDSJEDAVALJUĆI GRADSKOG VIJEĆA**

**Jasmin Ademović**





**Grad Sarajevo**  
**City of Sarajevo**

**Bosna i Hercegovina**  
**Federacija Bosne i Hercegovine**  
**Kanton Sarajevo**  
**Grad Sarajevo**  
**GRADONAČELNICA**

**Informacija**  
**o realizaciji pomoći građanima čija je imovina uništena ili oštećena**  
**u poplavama iz novembra 2021. godine**

**Predlagač:** Gradonačelnica  
**Obrađivač:** Služba za lokalno poslovanje

**Sarajevo, april 2022. godine**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



**Informacija  
o realizaciji pomoći građanima čija je imovina uništena ili oštećena  
u poplavama iz novembra 2021. godine**

U novembru 2021. godine Kanton Sarajevo je pogođen poplavama koje su izazvale materijalne štete u općinama Ilidža, Trnovo, Novi Grad, Vogošća i Ilijaš. Prema podacima sa 4. vanredne sjednice Štaba civilne zaštite Kantona Sarajevo, evidentiran je 341 objekat koji je poplavljen ili je bio ugrožen od poplava.

Po saznanju da je Sarajevo pogođeno poplavama, Gradsko vijeće grada Novog Pazara, na sjednici održanoj 9. novembra 2021. godine, donijelo je zaključak na osnovu kojeg je gradonačelnik Novog Pazara donio rješenje kojim se Gradu Sarajevu odobravaju sredstva u iznosu od 10.000,00 EUR kao pomoć za otklanjanje posljedica nastalih uslijed elementarnih nepogoda – poplava.

Sredstva u iznosu od 19.558,00 KM uplaćena su na račun Grada Sarajeva 16.11.2021. godine. Uvažavajući volju donatora da se novac utroši za otklanjanje posljedica koje su nastale uslijed poplava, utvrđeno je, a na osnovu informacije Civilne zaštite KS, da je na području gradskih općina šteta od poplava nastala u općini Novi Grad Sarajevo.

Gradska služba za lokalno poslovanje uputila je 03.12.2021. godine Općini Novi Grad zahtjev za dostavljanje podataka o građanima kod kojih je evidentirana šteta na stambenim objektima.

Općina Novi Grad je 06.12.2021. godine, putem nadležne službe Civilne zaštite, dostavila spisak od ukupno 60 građana čiji su stambeni objekti pretrpjeli štetu u novembarskim poplavama.

Odluka o unosu uplaćenih primitaka od Grada Novi Pazar u Budžet Grada Sarajeva za 2021. godinu objavljena je u „Službenim novinama Kantona Sarajevo“, broj 12/22, od 24.03.2022. godine.

Sredstva su raspoređena na poziciju tekući grant za nepredviđene izdatke. Realizacija se vršila na osnovu Pravilnika o kriterijima i postupku za korištenje finansijskih sredstava sa pozicije nepredviđeni izdaci iz Budžeta Grada Sarajeva („Službene novine Kantona Sarajevo“, broj 19/19). Važno je naglasiti da korisnici budžetskih sredstava po ovom osnovu mogu biti fizička lica koja imaju prijavljeno mjesto prebivališta, odnosno boravišta na području Grada Sarajeva (gradske općine). Gradska služba za lokalno poslovanje kontaktirala je 05.01.2021. godine Općinu Novi Grad Sarajevo i tom prilikom došlo se do saznanja da je nadležna općinska komisija završila posao utvrđivanja šteta na privatnoj imovini, izuzev privrednih subjekata. Naime, podnosioci zahtjeva za dodjelu jednokratne pomoći morali su osigurati dokaz o visini pretrpljene štete.

Gradska služba za lokalno poslovanje sačinila je Obavještenje građanima općine Novi Grad Sarajevo koji su u novembru 2021. godine pretrpjeli materijalnu štetu od poplava, a koje je objavljeno 11.01.2022. godine na službenoj web stranici Grada Sarajeva.

Ujedno je urađen i postavljen na web stranicu Grada Sarajeva unificirani obrazac Zahtjeva za dodjelu pomoći na kojem je naznačeno tko i za koje vrste štete može podnijeti zahtjev, s potrebnom dokumentacijom i rokom do kojeg bi trebalo dostaviti zahtjev (31.01.2022. godine).

Pored toga, telefonskim putem 11.01.2021. godine izvršeno je obavještanje građana sa spiska dostavljenog iz Općine Novi Grad uputom da mogu podnijeti zahtjev Gradu Sarajevu za dodjelu jednokratne novčane pomoći. Također, od podnosioca je tražena je dopuna dokumentacije.

Podneseno je 49 zahtjeva od ukupno 60 građana kod kojih je općinska služba Civilne zaštite evidentirala štetu. Od toga 32 zahtjeva su bila potpuna, dok je kod 17 podnosioca zahtjeva dokumentacija bila nepotpuna.

Općina Novi Grad dodijelila je 70% sredstava od ukupne procijenjene štete podnosiocima zahtjeva. Kako bi svaki podnosilac zahtjeva dobio sredstva donirana od Grada Novog Pazara, Grad Sarajevo dodijelio je 17,416% sredstava od preostalih, neisplaćenih, sredstava ukupne procijenjene štete. Po osnovu odluka o odobravanju sredstava, jednokratne novčane pomoći uplaćene su u prvoj sedmici aprila 2022. godine.

Podnosioci zahtjeva čija dokumentacija nije bila potpuna, o tome su obavješteni.